



UPA 2024/80

25/4-2024

Jens-Frederik Nielsen

**Inatsisartunut qinersinermi inatsit tunngaviatigut, inatsisartullu agguataarneranut kisitseriaaseq, inatsisartut amerlassussaat kiisalu qanoq nunatsinni siammasissumik inatsisartuni ilaasortaatitaqarneq, qanga kommuunit kattutinngikkallarmata kredsimi qinikkat 17-it ilaasortanngorsinnaangortillugit aamma illoqarfiiq inuttussusii najoqqtaralugit ilaasortaqalerlutik apeqquteqaat aallaavigalugu oqallisssiamik siunnersuut.**

(Inatsisartuni ilaasortaq Jens NapătōK', Naleraq)

(Siullermeerneqarnera)

Qujanaq Inatsisartunut ilaasortaq Jens NapătōK' siunnersuummut.

Demokraatit isumaqarput, pingaartuussoq, innuttaasut, Inatsisartunik katiterippata. Nunani allani takusarparput, politikkerinik tamarmiusunik qinersisoqarsinnaanngitsoq, politikkerit nunap immikkoortortaani aalajangersimasuinnarni qinigassanngortittut, qinersinnaasarmatigit. Maani nunatsinni kikkut tamarmik kikkut tamaasa qinersinnaavaat, taannalu ingerlariaaseq nuannaraarput, tassami qulakkeerneqartarmat, innuttaasut tamarmik politikkeri aalajangersimasoq, pitsaanerpaatut tulluunnerpaatullu isigisartik Inatsisartunut qinersinnaammassuk. Taamatut ingerlariaaseqarnerup allangortinnissaa kissaatigingngilarput.

Akerlianilli Inatsisartuni ilaasortat amerlassusai eqqortuunersoq misissussallugu ammaaffigaarput. Isumaqaraluarlatalu, ilaasortat 25-vit naammakkaluartut, tamannali soorunami sukumiisumik misissortariaqarpoq, imaassanngimmammi aamma, partiinut nutaanut qinerneqarnissaq ajornarninngussasoq Inatsisartunut isernissamut.

Aamma kissaatigigaluarparput, partiinut tapiissutaasut alakkaternissaat, anneruallaamik partiinut annernut immikkoortitsinerusut. Takusimavarpuummi, partiit annersaat ingerlatsineq tasitsiullugu akiitsutik annertuut akilersinnaasimagaat. Tassani allannguiteqarnissaq kissaatigaarput imasillugu, partiinut tapiissutit agguataarneri naapertuunnerulerluttillu tulluarnerulissasut. Aamma ingerlatsineq imattoq kissaatigigaluarparput, taasinerit amerlassusaat aallaaviussasoq ilaasortat amerlassusaat aallaaviunani. Taassumami kingunerissammagu, partiinut aningasatigut iluaqutaannginnissaa partiimit allamit anisimasumit ilaasortaqarnissaq.

Taamatut oqaaseqaateqarlunga oqallilluarnissamik neriuuteqarpunga.



**DEMOKRAATIT**  
DEMOKRATERNE